

NvK an Peter Knorre in Nürnberg.¹⁾ Er übersendet ihm die päpstliche Bulle gegen Hz. Sigismund und Gregor Heimbürg sowie drei weitere Breven gegen Gregor Heimbürg. Knorre solle die Urkunden vervielfältigen und in Nürnberg publizieren.

Kopie (gleichzeitig): BERNKASTEL-KUES, *StiB, Cod. Cus. 221 p. 182. Über dem Text:* Copia littere ad d. Petrum Knor, missa cum tribus brevibus per fratrem de Magdeburgo ordinis sancti Augustini die xii novembris.

Em.: Jäger, Streit II 147.

Eternam salutem. Venerabilis domine Petre, amice carissime. Quia s. d. n. omnino ecclesiasticam libertatem, apostolice sedis auctoritatem et clavium potestatem intendit defendere, ideo contra d. Sigismundum ex principibus Austrie ob sacrilegium usque ad declaracionem penarum iuris c. Felicis²⁾ et Cle. Si quis³⁾ processit.⁴⁾ Post sententiam Gregorius Heymburg, ut sua prudencia more solito abuteretur, Sigismundum et se
adherentes per appellacionem mendaciis plenam ad futurum concilium etc. interposi-
tam involvit. Nunc s. d. n. iuxta constitutionem, quam Mantue contra sic appellantes
fecit⁵⁾, declaravit Sigismundum et Gregorium excommunicatos et in crimine lese
maiestatis et heresis incidisse.⁶⁾ Huius bulle veram copiam, cui fides indubitata debet
adhiberi, de mandato s. d. n. presentibus d. v. mitto, ut illam undique mandetis publi-
cari. Et mitto eciam d. v. de mandato e. s. d. n. tria brevia contra Gregorium, ut illa
presentari curetis illis, quibus diriguntur. Sunt eiusdem continentie, et copia similiter
mittitur. In qua, quid contineant, videre poteritis vir ille apostolice sedi et omnibus
ingratissimus, ductus avaricia, non erubuit os in celum ponere⁷⁾ et ecclesiasticam aucto-
ritatem contempnere. Ideo recte punietur in eo, in quo deliquit⁸⁾, non sit d. v. tarda ad
exsequendum ista ecclesiasticam libertatem concernencia. Nam s. d. n. in tantum de
persona d. v. confidit, quod non putavit rem istam posse alicui, qui melius et perfectius
faceret, committi. Et copiam bulle pape missam facite multiplicari et mittite cum
brevibus, et continue facite per Nurembergam in ecclesia vestra⁹⁾ et alibi publicari et
denunciari nominatos omnibus diebus dominicis, quousque de absolutione constiterit.
Ita s. d. n. exhortatur, mandat et precipit et commisit, ut scriberem, et scitis relacioni
cardinalis in talibus standum. Et cum proximo s. d. n. et michi velitis, quid egeritis
rescribere. Offero me d. v. etc. Rome die sancti Martini 1460.

¹⁾ Zur Person s.o. Nr. 2704 Anm. 2; RTA XIX 2, 243 Anm. 29.

²⁾ VI 5.9.5 (Felicis), ed. Friedberg II 1091f.

³⁾ Clem. 5.8.1 (Si quis suadente), ed. Friedberg II 1187f.

⁴⁾ S.o. Nr. 6281 (1460 August 8).

⁵⁾ Die Bulle ‚Execrabilis‘ (1460 Januar 18); s.o. Nr. 6382 Anm. 7.

⁶⁾ S.o. Nr. 6382 (1460 November 2).

⁷⁾ Vgl. Ps. 72,9.

⁸⁾ Vgl. X 1.11.13, ed. Friedberg II 122.

⁹⁾ D.h. in Knorres Pfarrkirche St. Lorenz in Nürnberg.